

## **AIARAKO UDALAK 2019ko URRIAREN 25ean EGINDAKO PREMIAZKO EZOHICO OSOKO BILKURAREN AKTA**

### **PRESIDENTEA**

Gentza Alamillo Udaeta jn.

### **ZINEGOTZIAK**

Iñigo Pinedo Vadillo jn.  
José Antonio Bartolomé Pesquera jn.  
Itxaso Gorbeña Allende and.  
Unai Campo Arenaza jn.  
Iratxe Parro Uzquiano and.

### **EZ DIRA BERTARATU:**

Montse Angulo Solloa and.  
Susana Martín Benavides and.  
Karmele Población Martínez and.  
José Antonio Gorbea Alonso jn.  
Marian Mendiguren Mendibil and.

### **IDAZKARIA**

M<sup>a</sup> Del Carmen Rojo Pitillas and.

Arespalditzan, udaletxeko bilkura-aretoan, bi mila eta hemeretzi urriaren hogeita batean, hamahiruak direnean, Udalbatza Osoa bildu da premiazko ezohiko Osoko Bilkura egiteko. Gentza Alamillo Udaeta alkate jauna da burua, eta albo batean aipatutako zinegotziak bertaratu dira, behar bezala deituta, Toki erakundeen antolaketa, jarduera eta araubide juridikoaren araudiari buruzko azaroaren 28ko 1569/1986 Errege Dekretuaren 79. Artikuluan eta Toki Araubidearen Oinarriak arautzen dituen apirilaren 2ko 7/85 Legearen 46 b) artikuluan xedaturikoaren arabera. Neuk, M<sup>a</sup> del Carmen Rojo Pitillas idazkari andreak, lagundu ditut.

Alkate jaunak Osoko Bilkurara ongietorria eman die denei, eta, besterik aipatu gabe, eguneko **AZTERGAIEN ZERRENDAKO** gaiak bozkatu eta eztabaidatu dira.

**1º.- Udalbatzaren erabakia premiari buruz.** - Jarraian, Gentza Alamillo Udaeta alkate jaunak (EAJ-PNV) Udalbatzari azalpena eman dio bilkura honen deialdia premiazkoa den ala ez azaltzeko.

Alkateak azaldu du, jendeak dakien bezala, "Arespalditzako Osasun Zentroaren inguruneke irisgarritasuna" izeneko obra Arabako Foru Aldundiaren Obra Txikien 2019 Programan sartuta dagoela. Adierazi duenez, diru-laguntzaren eskabidearekin batera aurkeztu zen urbanizazio-aurreproiektuari dagokionez, hobekuntza batzuk egin dira, eta, horren ondorioz, proiektuaren aurrekontua handitu egin behar izan da lizitazioari bideragarritasuna emateko. Aldaketa horietako batzuk honako hauek dira: sarbidea aldatzea ikastetxerako irisgarritasuna hobetzeko, aparkalekuak aldatzea, eta abar. Hala ere, inbertsio hori justifikatzeko epea 2019ko azaroaren 30a denez, honako hau adierazi du: 2019ko abenduaren 31ra arteko luzapena eskatu duela. Premiazkoa da 342.609000 aurrekontu-partida 10.100,00 eurotan handitzea, obra modu egokian egin ahal izateko.

Udalbatza jakinaren gainean dago, eta bertaratutako kideek aho batez erabaki dute bilkura premiazkoa dela; beraz, gai-zerrendako puntu bakarra aztertzeari ekin zaio.

**2º.- Kreditu gehigarriari buruzko 5/2019 espedientearen eta idazkaritza kontu-hartzaitzaren txostenaren berri ematea, aurrekontu-egonkortasuna ez betetzearen ondorioetarako.** - Ondoren, 2019ko urriaren 23ko Alkatetzaren Dekretuaren (zk.: 2019/509) berri eman zaio Udalbatzari. Dekretu horren bidez, kreditu gehigarriaren 5/2019 espedientea onartzen da, 10.100,00 eurokoa, gastu orokorretarako diruzaintzako geldikinarekin finantzatua.

Halaber, 2019ko urriaren 23ko kontu-hartzaitzaren txostenaren berri eman zaio Udalbatzari, kreditu gehigarri hori finantzatzeko diruzaintzako geldikina erabiltzeagatik aurrekontu-egonkortasuna ez betetzeari dagokionez. Honela dio:

### **KONTU-HARTZAILETZA TXOSTENA**

**GAIA:** *Aurrekontu-aldaketa, gastu orokorretarako diruzaintzako geldikinaren kargura.*

Aiarako Udaleko kontu-hartzaitzaren karguari dagozkion funtzioetan oinarrituta, eta Arabako toki-erakundeen aurrekontu-egonkortasunari eta finantza-iraunkortasunari buruzko abenduaren 13ko 38/2013 Foru Arauak diruzaintzako geldikinaren erabileran egindako aldaketak kontuan hartuta (17/2014 Foru Arauak aldatu zuen arau hori), geldikinaren kargarako kreditu-aldaketa bat onartu ahal izateko, beharrezkoa izango da Udalbatzaren Osoko Bilkurari esku-hartze txosten bat helaraztea. Egonkortasun-helburua betetzen ez bada, txosten hau egingo da, bi eranskin dituen:

- I. eranskina: soberakina hainbat kreditu gaitzen erabiltzeko proposamena.
- II. eranskina: kontu-hartzaitzaren txostena, diruzaintzako geldikinarekin gastuak finantzatzegatik egonkortasuna betetzeko.

### **I. ERANSKINA: GELDIKINA ERABILTZEKO PROPOSAMENA.**

2018KO LIKIDAZIOAREN GASTU OROKORRETARAKO DIRUZAINZAKO GELDIKINA, ESPEDIENTE HONEN AURRETIK GASTATU EZ DENA: **269.865,12 €** (gainerakoa honako espediente hauetarako erabili da: **2018an baimendutako eta ekitaldi horretan gastatu gabeko kreditu-geldikinen eransteari buruzko 1/2019 Espedientea, kreditu gehigarriari buruzko 1/2019 Espedientea, kreditu gehigarriari buruzko 2/2019 Espedientea, kreditu gehigarriari buruzko 3/2019 Espedientea eta kreditu gehigarriari buruzko 4/2019 Espedientea).**

**ERABILERA PROPOSAMENA: 10. 100,00 €**

**MEDIKU-KONTSULTATEGIKO APARKALEKUA EGOKITZEA: 10.100,00 €.**

**ZENBATEKO OSOA: 10. 100,00 €**

## **II. ERANSKINA: IDAZKARITZA KONTU-HARTZAILETZAREN TXOSTENA, EGONKORTASUNA EZ BETETZEAREN ONDORIOETARAKO**

### **I. TXOSTENAREN OINARRIAK**

Aurrekontu Egonkortasunari eta Finantza Iraunkortasunari buruzko abenduaren 13ko 38/2013 Foru Arauaren 7.1 artikuluan, 17/2014 Foru Arauak emandako idazketan, honako hau xedatzen da: aurrekontu-egonkortasunaren helburua, zor publikoaren helburua edo gastu-araua betetzen ez badira, bete ez duen administrazioak Ekonomia eta Finantza Plana egingo du, urte horretan eta hurrengoan helburuak edo gastu-araua bete ahal izateko.

Bestalde, Foru Arau beraren 7.3 artikulua ezartzen duenez, aurrekontu-egonkortasunaren helburua ez betetzearen arrazoia diruzaintzako soberakinarekin egindako gastuak finantzatzea bada, ekonomia- eta finantza-plana ordeztuko da, eta, horren ordeztu, Udaltzaren Osoko Bilkurari jakinaraziko zaio kontu-hartzaitzako eginkizunak betetzen dituen organoaren txostena, egoera hori egiaztatuz, bai eta toki-korporazioaren finantza-iraunkortasunaren azterketa eta ebaluazioa ere. Gutxienez, honako hau beharko da:

- a) Erakundearen eta haren mendeko erakundearen eta organismoen aurrekontu-egonkortasuneko helburuak.
- b) Diru-sarreraren eta gastuen partida nagusien proiektzioak, honako hauek kontuan hartuta: joeren bilakaera, hau da, aldaketarik behar ez duten politikak, eta aztertutako aldirako aurreikusitako neurrien eragina.
- c) Diru-sarreraren eta gastuen proiektzioak zein kasu nagusitan oinarrituko diren.
- d) Aurrekontu- eta finantza-egoerak, diruzaintzako geldikina agortzerakoan.
- e) Hala badagokio, inbertsioaren funtzionamenduak gastu arruntean izango duen eragina.

Txosten hau kreditua aldatzeko espedientearen parte izango da.

Osoko bilkuraren akta, esku hartzen duen organoaren txostenarekin eta euskarri gisa balio duen gainerako dokumentazioarekin batera, Arabako Foru Aldundiko toki-erakundearen arloko eskumena duen sailera bidaliko da. Sail horrek, 30 eguneko epean, behar den informazio gehigarria eskatu ahal izango du, bai eta neurri osagarriak hartzeko ere, besteak beste, plan ekonomiko-finantzario bat egiteko eskatzea, erakundearen finantza-iraunkortasuna bermatzeko.

Epe hori igarotzen bada eta Arabako Foru Aldundiak ez badu berariazko ebazpenik eman, espedientea izapidetzen jarraitu ahal izango da.

### **EREMU SUBJEKTIBOA:**

Txosten honen bidez, aurrekontu-aldaketa finantzatzeak eragindako ezegonkortasun-egoera aztertu nahi da, Aiarako Udalean diruzaintzako geldikina erabiliz.

### **HELBURUAK:**

Diruzaintzako geldikinaren bidez proposatutako aurrekontu-aldaketaren finantzaketak egonkortasun-printzipioa hausten du, baina ez-betetze hori ez da egiturazkoa, egoeraren araberakoa baizik.

Horretarako, aurrekontu-magnitudeak aztertu behar dira, eta txosten honen helburua honako helburu hauek egiaztatzea da:

- Aurrezki garbi positiboa
- Diruzaintzako geldikin positiboa
- Zorpetze finkatuaren maila ekitaldi bakoitzean ezarritako mugetatik beherakoa izatea
- Aurrekontu-egonkortasun finkatua, superabitarekin edo finantzaketa-ahalmenarekin (KSE terminoetan)
- Gastu-araua betetzea

Arabako Toki Erakundearen Aurrekontu Egonkortasunari eta Finantza Egonkortasunari buruzko abenduaren 13ko 38/2013 Foru Arauaren 7. artikuluko 3. paragrafoan xedatutakoaren arabera, 17/2014 Foru Arauak emandako idazketan, txosten hau honela egituratuko da:

1.- Egungo egoeraren diagnostikoa: erakundearen **aurrekontu-egonkortasuneko helburuak** betetzen diren edo ez aztertuko da.

2.- **Gastuen eta diru-sarreraren egoeren proiektzioak**

3.- Inbertsioaren funtzionamenduak **gastu arruntean izango duen eragina.**

## **II. EGUNGO EGOERAREN DIAGNOSTIKO EKONOMIKO-FINANTZARIOA: AURREKONTU EGONKORTASUNERAKO HELBURUAK**

2018 ekitaldian onartutako azken likidaziotik lortutako datuetatik, honako hauek azpimarratu ditugu:

<b>MAGNITUDEA</b>	<b>ZENBATEK OA</b>	<b>BETETZEA/EZ-BETETZEA</b>
<b>Aurrezki garbi doitua</b>	<b>553. 209,91 €</b>	<b>POSITIBOA</b>
<b>Gastu orokorretarako diruzaintza-geldikina</b>	<b>588. 263,66 €</b>	<b>POSITIBOA</b>
<b>Aurrekontu-emaitza</b>	<b>328. 072,03 €</b>	<b>POSITIBOA</b>
<b>Zorpetze-maila</b>	<b>0</b>	
<b>Aurrekontu-egonkortasuna</b>	<b>302.088,60</b>	<b>SUPERABITA BETETZEA</b>
<b>Gastu-araua</b>	<b>-122. 672,80 €</b>	

## **III. GASTUEN ETA DIRU-SARREREN EGOEREN PROIEKZIOAK**

Epe honetarako ekonomia eta finantza planean zifrak proiektatzea ahalbidetuko diguten aldagaiak eta neurriak zehaztasunez definitzeko, EGOERA posible hau ezarri da:

- Susperraldi ekonomikoko egoera batetik abiatzen gara, eta horrek esan nahi du tokiko erakundearen jarduera ekonomikoari eutsi egingo zaiola edo jarduera ekonomikoa modu leunean handituko dela. Horrek tokiko diru-sarrerak hobetzea ekarriko du, batez ere, Toki Erakundeak Finantzatzeko Foru Funtsean parte hartzeagatik lortutakoak, eta zerbitzu publikoen prestazioa handitzea.
- Gastuei dagokienez, arlo honetako murrizketei eustetik abiatzen gara, bai langileen gastuetarako, bai bestelako gastuetarako, estatuko aurrekontu orokorren legetatik eta aurrekontu-egonkortasuneko helburuak betetzetik sortutako murrizketetatik eratorritakoak (gastu-araua, gastu-lotea, egonkortasuna eta finantza-iraunkortasuna).

### OINARRIZKO MAGNITUDEEN BILAKAERA.

Adierazitako ekitaldietan aztertutako magnitudeen bilakaerak honako hauek dira::

HELBURUAK	2017	2018
<b>Aurrekontu-egonkortasuna</b>	167.278,99	302.088,60
<b>Egonkortasun/diru-sarrera finantzario %</b>	% 7,14	% 12,64
<b>Gastu-araua</b>	81.368,53	<b>-122.672,80</b>
<b>Zordunketa</b>	<b>0</b>	<b>0</b>
<b>Aurrezki garbi doitua</b>	306.668,44	553.209,91
<b>Aurrezki garbi/diru-sarrera korrante %</b>	% 14,19	% 24,90
<b>DIRUZAINZAKO GELDIKINA</b>	550.133,56	588.263,66

## IV. AURREKONTU- ETA FINANTZA-EGOERAK, DIRUZAINZAKO GELDIKINA AGORTZERAKOAN.

### III-C. 1 DIRUZAINZAKO GELDIKINA.

Diruzaintzako geldikin positiboak erakundearen epe laburreko likidezia metatu osoa islatzen du, denboraren une jakin batean, etorkizun hurbilean gastua finantzatzeko prest dagoena.

#### **Diruzaintzako geldikin doitua gastu orokorretarako**

Gastu orokorretarako geldikina bat dator aurrekontuan aplikatzeko dauden hartzekodunen datuekin eta ordaintzeke dauden diru-sarreraren itzulketekin, eta horrek magnitude horren egoeraren irudi errealagoa ematen digu. Magnitude horrek tokiko erakundearen epe laburreko likidezia errealaren informazioa eskaintzen digu.

### III-C. 2 AURREZKI GARBIA.

Aurrezki garbiak Udaltzak duen zorpetze ahalmenaren berri ematen digu. Aurrezki garbia negatiboa bada, erakundeak ez du gaitasunik epe luzeko mailegu-eragiketa berriei aurre egiteko. Aurrezki garbia positiboa bada, epe luzeko mailegu-eragiketa berriei aurre egiteko gaitasunari buruzko informazioa emango digu, zenbatekoa eta baldintzak zehaztu arte. Hala ere, magnitude horrek erakundearen zorpetze-ahalmenari buruzko informazio fidelagoa eman diezagun, Foru Arauan ezarritakoaren arabera kalkulaturako zenbatekoa doitu egin beharko litzateke, ezohiko izaera eta errepikakorra ez duten diru-sarrerak kenduta.

### III-C. 3 FINANTZA ERAKUNDEEKIKO ZORRA.

Zor bizia adierazle garrantzitsua da erakundearen finantza-kaudimena ebaluatzeko. Kaudimen-arazoak gehiegizko zorpetzearen ondorio izan daitezke, eta horrek finantzakarga handitzea eragiten du, gainerako gastu arruntari batuta ezinezkoa baita erakundearen diru-sarrera arruntek xurgatzea, eta, ondorioz, aurrezki garbi negatiboa lortzea.

### III-C. 4 AURREKONTU EGONKORTASUNA.

Aurrekontu egonkortasunak erakundearen finantzaketa-ahalmenaren/-beharraren berri ematen digu, eta horrek, zeharka, zorpetzea urtero amortizatzen den zenbatekoaren gaintik handitzea mugatzen du (KSE 95 terminoetan kalkulaturak). Erakundeak finantzaketa-beharra badu (gastu ez-finantzarioak diru-sarrera ez-finantzarioak baino handiagoak dira), horrek esan nahi du erakundeak kanpo-finantzaketa (zorpetzea) behar duela bere gastuei aurre egiteko.

Erakundeak finantzaketa-ahalmena badu (gastu ez-finantzarioak diru-sarrera ez-finantzarioak baino txikiagoak dira), erakundeak zorpetzeari aurre egiteko duen marjina adierazten du.

### III-C. 5 GASTU-ARAU.

Gastu-araua arau fiskal bat da, eta horren helburua da gastu konputagarria mugatzea, ekitaldi ekonomiko batetik aurrekontu-ekitaldi bakoitzerako onartutako ehuneko baina ez hazteko, eta, horrela, aurrezpen publiko handiagoa lortzeko gastuaren gehikuntzari oztopo bat ezarri, diru-bilketa handitzeko neurri osagarriekin batera ez badoa. Zenbateko hori ekitaldi honetarako zehaztuko da, 2018ko aurrekontuaren likidazioarekin.

### III-D. MAGNITUDEEN BILAKAERAREN ONDORIOAK

Gastuen eta diru-sarreraren egoera-orrien kapituluetan erabilitako datuen arabera, diruzaintzako geldikinarekin finantzaturako aurrekontu-aldaketa finantzatzeak **ez dakarkio erakunde honi egiturazko desoreka, koitunturazkoa baizik, eta urtebeteko epean ezarritako helburuak betetzen dira berriro, Ekonomia eta Finantza Planik egin beharrik gabe.**

## V. INBERTSIOAREN FUNTZIONAMENDUAK GASTU ARRUNTEAN IZANGO DUEN ERAGINA.

Erabilitako proiektioetatik, aurrezki korrante garbi positiboa kalkulaten da, eta, beraz, kreditu-aldaketa honen bidez finantzatu beharreko gastuaren (edo inbertsioaren) ondorioz etorkizunean sor daitekeen gastu korrantea erakundeak sortutako diru-sarrera arruntek bereganatu ahal izango dute. Halaber, zorpetze-ratioa aurrekontu-ekitaldi bakoitzerako ezarritako helburuaren azpitik dago (ez dago zorpetzerik), eta, beraz, bi datu horiek uztartuta, ondorioztatzen da **ez dela konprometitzen haren etorkizuneko finantza-iraunkortasuna.**

Gainera, kontuan hartu behar da proposatutako aldaketek berez ez dutela gastu arrunta nabarmen handituko etorkizuneko ekitaldietan.

Txoten hau kreditu aldaketarako espedientearen parte izango da.

Osoko bilkuraren akta, esku hartzen duen organoaren txostenarekin eta euskarri gisa balio duen gainerako dokumentazioarekin batera, Arabako Foru Aldundiko toki-erakundeen arloko eskumena duen sailera bidaliko da. Sail horrek, 30 eguneko epean, behar den informazio gehigarria eskatu ahal izango du, bai eta neurri osagarriak hartzeko ere, besteak beste, plan ekonomiko-finantzario bat egiteko eskatzea, toki erakundearen finantza-iraunkortasuna bermatzeko.

Arespalditzan. -  
IDAZKARI KONTU-HARTZAILEA- Sin.: - Carmen Rojo Pitillas.

*Elektronikoki sinatutako dokumentua.*”

Udalbatzak kontu-hartzaitzaren 2019ko urriaren 23ko txostenaren berri izan du, 10.100,00 euroko kreditu gehigarria finantzatzeko diruzaintzako geldikina gastu orokorretarako erabiltzeagatik aurrekontu-egonkortasuna ez betetzeari buruzkoa.

Eta aztergai gehiagorik egon ez denez, alkate-udalburuak amaitutzat eman du bilkura, eguerdiko ordu bata eta hamar direnean, eta nik, idazkari naizen aldetik, horren fede ematen dut. Arespalditzan, bi mila eta hemeretzi urriaren hogeita bostean.

O. E.

ALKATE-UDALBURUA,

IDAZKARIA

Sin.: Gentza Alamillo Udaeta

Sin.: M<sup>a</sup> Del Carmen Rojo Pitillas